

U ovom broju, između ostalog, čitajte:

- **Zalaganjem UPFBiH neće doći do značajnog povećanja cijena električne energije za privredu**
- **UPFBiH preporuke: Ne čekajte ponudu ugovora, nego inicirajte pregovore sa isporučiocima električne energije**
- **UPFBiH pozdravlja potpisivanje Sporazuma o radu ESV-a FBiH**
- **UPFBiH i UIO o Uputstvu o dostavljanju podataka iz knjigovodstvenih evidencija elektronskim putem**
- **UPFBiH radionica: Poslodavci prvi put imaju pravo na naknadu štete zbog neopravdanog kažnjavanja**
- **Inicijativom Udruženja poslodavaca KS od 2020. ukida se naknada za korištenje općekorisnih funkcija**

Zalaganjem UPFBiH neće doći do značajnog povećanja cijena električne energije za privredu



Udruženje poslodavaca FBiH iniciralo je sastanak sa predstavnicima Vlade Federacije BiH i JP Elektroprivreda BiH o temi aktuelnosti oko cijena električne energije koje su krajnjim kupcima koji se snabdijevaju u okviru tržišnog snabdijevanja ponuđene od strane JP Elektroprivreda za 2020.

godinu. Na sastanku je dogovoreno je da će JP Elektroprivreda BiH, kao društveno odgovorna kompanija iznaći mogućnost da u skladu sa metodologijom smanji cijene električne energije koje nudi svojim kupcima za 2020. godinu i na taj način zaštititi bh. privredu od negativnih uticaja koje bi imalo povećanje cijene električne energije na krajnje kupce.

Na sastanku je zatraženo da se eventualno smanjenje cijene koje bi se izvršilo primjeni i na kupce koji su već potpisali ugovore o snabdijevanju za 2020. godinu, a u cilju nediskriminatornog pristupa prema svim kupcima električne energije koje snabdijeva JP Elektroprivreda BiH.

Smanjenje cijene će se izvršiti na način da se napravi korekcija ulaznog parametra koji utiče na cijenu tržišnog snabdijevanja na način da se on smanji za 1 €/MWh. U cilju nediskriminatornog pristupa prema kupcima koji su prethodno zaključili ugovore o snabdijevanju za period 01.01. – 31.12.2020. godine izvršit će se aneksiranje zaključenih ugovora u svrhu primjene korekcije ulaznog parametra za 1 €/MWh. Na osnovu ovih cijena će se pripremiti Plan poslovanja JP Elektroprivreda BiH za 2020. godinu koji će biti upućen Nadzornom odboru i Vladi FBiH na usvajanje.

Iz Udruženja poslodavaca FBiH pozdravljaju dogovor postignut na sastanku sa predstavnicima Vlade FBiH i JP Elektroprivrede BiH.

„Zahvaljujemo predstavnicima Vlade FBiH i naše članice JP EPBiH na uloženom trudu da u narednoj godini ne bude najavljenog značajnog uvećanja cijene električne energije za privredne potrošače. Do blagog rasta cijena električne energije će doći, ali ono neće biti u onom omjeru koji je prethodno bio najavljen iz EPBiH", ističu iz UPFBiH.

Ovakva odluka JP Elektroprivreda BiH da smanji cijenu, odnosno, usvajanjem iste kroz Plan poslovanja JP Elektroprivreda BiH za 2020. godinu od strane Vlade FBiH, pokazuje da su Vlada FBiH i JP Elektroprivreda BiH spremne pronaći balans između potrebe za stabilnošću i dugoročnom održivošću poslovanja EP BiH i Koncerna EPBiH, sa jedne strane, i potreba da se građanima i privrednim subjektima osigura pristupačno i stabilno snabdijevanje električnom energijom s druge strane.



„Udruženje poslodavaca FBiH je pokazalo da se kao i prošle godine uspjelo izboriti da zaštiti svoje članice od naglog povećanja cijene električne energije. Kao Udruženje koje okuplja 22.000 poslovnih subjekata u FBiH smatramo da se pitanje povećanja cijena električne energije mora rješavati dugoročno, na način da u narednim godinama u decembru nemamo opet nove pregovore i razgovore oko smanjenja najavljenih cijena. Pozivamo Vladu Federacije BiH i Ministarstvo energetike, rudarstva i industrije da sistemski pristupe rješavanju pitanja cijena električne energije za privredu. Jer, električna energija nije samo roba, ona je resurs čija dugoročno stabilna cijena značajno može doprinijeti povećanju konkurentnosti, rastu i razvoju bh. privrede. Električna energija je za većinu proizvodnih kompanija jedna od najznačajnijih ulaznih komponenti proizvodnje i svako povećanje negativno utiče na konkurentnost naših kompanija i države u cjelini. Istovremeno, zbog povećanja cijena električne energije proizvođači i pružatelji usluga su najčešće prisiljeni povećavati cijene svojih proizvoda i usluga, što najviše osjete građani", naglašavaju iz UPFBiH.

UPFBiH preporuke poslodavcima: Ne čekajte ponudu ugovora, nego inicirajte pregovore sa isporučiocima električne energije



Udruženje poslodavaca FBiH je s ciljem edukacije svojih članica vezano za informacije o tržištu električne energije u 2019. godini organizovalo radionice u sedam gradova Federacije BiH, na kojima su predstavnici JP Elektroprivrede BiH upoznali kupce sa uslovima koji vladaju na tržištu električne energije, iznijeli osnovne informacije o načinu formiranja cijena, kao i drugim uslovima koji se


tiču ugovaranja i dodatnih usluga koje JP Elektroprivreda BiH planira uvesti u narednom periodu. Također, UPFBiH je organizovao konsultacije sa ekspertima iz ove oblasti na osnovu kojih su i sačinjene preporuke za poslodavce.

Tržište električne energije u BiH liberalizovano je 01.01.2015. godine i od tada svi kupci električne energije mogu birati snabdjevača električnom energijom, s ciljem da se izbjegne monopol.

01.01.2015.

Liberalizovano tržište električne energije u BiH

Privredni subjekti koji imaju pravo na univerzalnu uslugu, a u skladu sa odlukom Vlade FBiH, elektroprivrede su obavezne isporučivati električnu energiju, prema cijenama koje određuje Regulatora agencija za energiju u FBiH (FERK). To su kupci iz kategorije ostala potrošnja na 0,4 kV naponu, I tarifna grupa (sa mjerenjem snage), kao i kupci iz kategorije ostala potrošnja na 0,4 kV naponu, II tarifna grupa (bez mjerenja snage) koji imaju malu potrošnju. Ukoliko mogu na tržištu ostvariti povoljniju cijenu, potrošači iz druge grupe mogu struju nabavljati i na tržištu.



Cijena električne energije zavisi od sljedećeg: cijena na tržištu, odnosno, berzi električne energije, količine električne energije koju kupac troši, kao i dijagrama opterećenja, odnosno, načina potrošnje električne energije.

S obzirom da su privredni subjekti početkom oktobra 2019. godine dobili ponude za snabdijevanje električnom energijom od JP Elektroprivreda BiH sa cijenama koje su značajno veće u odnosu na važeće cijene, Udruženje poslodavaca FBiH savjetuje svojim članicama da uđu u pregovore sa aktuelnim snabdjevačima.

Prilikom pregovora sa potencijalnim isporučioцем, obavezno tražiti niže cijene električne energije, dodatne usluge, kao i druge povoljnosti.

Kupcima se preporučuje da procijene, da li je u datom momentu bolje tražiti sklapanje dugogodišnjih ugovora. Dosadašnje iskustvo pokazalo je da su višegodišnji ugovori bili povoljniji za potrošače, u odnosu na ugovore koji se sklapaju na godinu dana.

Pokazalo se da je najpovoljnije sklopiti ugovora o snabdijevanju električnom energijom u aprilu pa onda maju i junu, jer je statistika u zadnjih deset godina pokazala da su cijene električne energije na berzi u tim mjesecima bile najniže. Zato UPFBiH savjetuje poslodavcima da ne čekaju ponudu ugovora, nego da oni iniciraju pregovore sa isporučiocima električne energije.

Također, UPFBiH savjetuje svojim članicama, u prvom redu onima kod kojih trošak za električnu energiju predstavlja značajnu stavku u ukupnim troškovima, da u cilju smanjenja troška za električnu energiju, snime stanje unutar energetskeg procesa, bilo angažovanjem konsultanata, bilo da ga zaposle ili kao vanjskog saradnika, a koji bi ukazao na koji način mogu uticati na dijagram potrošnji i na taj način optimizirati troškove električne energije. Iskustvo je pokazalo da troškovi konsultanta budu mnogo niži od postignutih ušteta u troškovima električne energije.

Održana sjednica Izvršnog odbora UPFBiH



U prostorijama Udruženja poslodavaca FBiH 19. novembra 2019. godine održana je V redovna sjednica Izvršnog odbora na kojoj su članovi, nakon usvajanja zapisnika sa prethodne sjednice, najprije raspravljali o **Sporazumu o Ekonomsko-socijalnom vijeću FBiH**. Članovi Izvršnog odbora dali su saglasnost da Udruženje potpiše Sporazum imajući u vidu

da će se time nastaviti rad ESV-a. Zaključeno je da će Sporazum u ime Udruženja poslodavaca FBiH potpisati predsjednik UO Adnan Smailbegović.

Nadalje, članovi su **razmatrali prijedlog mjera i aktivnosti UPFBiH za izradu Strategije razvoja FBiH 2021-2027**. Direktor UPFBiH Mladen Pandurević izvjestio je članove da Udruženje ima svog predstavnika u Koordinacionom odboru za izradu Strategije razvoja FBiH 2021-2027, te 12 predstavnika u podgrupama Strategije. Udruženje je pripremio generalni stav za izrade Strategije. Vizija Udruženja na kojoj se bazira stav jeste da BiH bude među 20 najstimulativnijih zemalja za investiranje u Europi. Uzimajući u obzir nepovoljan privredni ambijent, nisku stopu ekonomskog rasta, visoko opterećenje cijene rada, rast javne potrošnje, odliv radno sposobnog stanovništva i komplikovane administrativne procedure nužno je izvršiti sveobuhvatne reforme zakonskih okvira u cilju rasterećenja privrede. Ekonomski razvoj je jedan od strateških ciljeva Razvojne strategije FBiH 2021-2027. koji se u suštini svodi na kreiranje stimulativnog poslovnog ambijenta radi privlačenja domaćih i stranih investicija, i rasta BDP-a, ličnog dohotka, štednje, potrošnje i javnih prihoda. Kako bi se realizirao ovaj strateški cilj urgentno se mora smanjiti opterećenje cijene rada putem smanjenja doprinosa na platu, koje je među najvišima u Europi, a s druge strane neophodno je ravnomjerno raspodijeliti poresko opterećenje svih kategorija društva kako bi se povećala naplata javnih prihoda. Tim mjerama bi se istovremeno smanjila siva ekonomija koja je jedan od inhibitora

unapređenja poslovne klime u zemlji. Izvršni odbor je podržao prijedlog mjera i aktivnosti UPFBiH za izradu Strategije.

U nastavku sjednice, članovi su razmatrali **inicijative Udruženja za izmjene i dopune Zakona o poreznoj upravi i Zakona o porezu na dobit**. Inicijativom za Izmjenu zakona o poreznoj upravi FBiH predloženo je uvođenje apsolutnog roka zastare za razrez i naplatu poreza jer to nije propisano postojećim zakonom, što znači da porez ne zastarijeva i da porezna tijela mogu postupati uvijek i po vlastitoj volji. S tim u vezi Udruženje je predložilo apsolutni rok zastare koji je deset godina.

Inicijativom za Izmjene zakona o porezu na dobit predložene su izmjene odredbi kojim bi se regulisao porezni tretman amortizacije sredstava koja će se primjenom MSFI 16 naći u knjigama najmoprimca.

Naime, od 01. januara 2019. godine u Federaciji BiH je u obaveznoj primjeni novi računovodstveni standard, MFSI 16 - "Najmovi", čijim stupanjem na snagu je nestala razlika između priznavanja finansijskog i operativnog najma kod najmoprimca. Uvođenjem novog Standarda, sredstva uzeta pod operativnim najmom kod najmoprimca više neće



imati tretman troška već stalnog sredstva. Tim će se predmet najma naći u bilansu stanja kod najmodavca i najmoprimca istovremeno.

Imajući u vidu trenutne odredbe Zakona o porezu na dobit, amortizacija je priznat trošak isključivo ukoliko se radi o sredstvima u vlasništvu poreznog obveznika. S tim u vezi, Udruženje je predložilo da izmjena člana 19 stav 3. zakona o porezu na dobit bude upućena po hitnoj proceduri. Kao rezultat ove inicijative porezni obveznici bi blagovremeno (prije februara 2020.

godine) dobili zakonski osnov za pravilan porezni tretman novonastalog troška amortizacije i kamate, koji su nastali primjenom MSFI 16, odnosno imali bi manji iznos porezno nepriznatih troškova.



Izvršni odbor je usvojio inicijative za izmjene navedenih zakona koje će biti upućene Ministarstvu finansija i premijeru Vlade FBiH sa zahtjevom da se upute u hitnu i skraćenu proceduru.

Članovi su također razmatrali **Uredbu o proizvodima koji poslije upotrebe postaju posebne kategorije otpada i**

kriterijima za obračun i način plaćanja naknada i Uredbu o naknadama za plastične kese kojim se poslodavci obavezuju na plaćanje nove naknade. Napomenuto je da o uredbama nisu obavljene konsultacije sa predstavnicima poslodavaca.

Izvršni odbor je zauzeo stav da se premijeru i nadležnom ministarstvu uputi dopis da se ovakav tekst uredbi ne usvaja u predloženom obliku, prije nego što se obave konsultacije sa predstavnicima Udruženja poslodavaca FBiH, te razmotre dobre prakse zemalja u okruženju i u EU.

Vezano za tačku dnevnog reda o **razmatranju Uputstva o dostavljanju podataka iz knjigovodstvenih evidencija elektronskim putem** direktor UPFBiH je istakao da je Udruženje svojim članicama dostavilo Nacrt uputstva koje je objavila Uprava za indirektno oporezivanje, te je zatraženo izjašnjavaње i dostavljanje primjedbi. Nakon toga, Nacrt Uputstva je razmatran na sjednici Ekonomskog i Pravnog savjeta te je, u skladu sa zaključcima ovih tijela, sačinjen i upućen dopis Upravi za indirektno oporezivanje u kojem je ukazano na nedostatke koji su uočeni u Nacrtu. U dopisu je Udruženje zatražilo tumačenje jedne odredbe Uputstva, kako bi se izbjegla različitih tumačenja od strane inspekcija i kako se poslodavcima ne bi nanosila šteta kada Uputstvo stupi na snagu. Također, upozoreno je na odredbe koje su u suprotnosti sa

postojećim Pravilnikom o primjeni Zakona o PDV-u i na potrebu njihovog usklađivanja.

Članovi su informisani i sa **zaključcima sastanka održanog sa predstavnicima Federalnog zavoda za statistiku** koji je iniciran zbog problema sa kojima se susreću kompanije u vezi sa dostavljanjem raznih formi statističkih obrazaca na federalnom, kantonalnom i lokalnom nivou, kao i Centralnoj banci BiH. Zaključeno je da je potrebno formirati stručne timove u kojima će predstavnici UP FBiH i Federalnog zavoda za statistiku zajednički raditi na pojednostavljenju procedura prikupljanja statističkih podataka.

Izvršni odbor je donio Odluku o imenovanju predstavnika Udruženja poslodavaca Federacije BiH u stručni tim u kom su imenovani:

1. Sadeta Filipović Abduzaimović, Ataco d.o.o.
2. Minela Češko, A2B EXPRESS DELIVERY d.o.o.
3. Jedan predstavnik iz Elektroprivrede BiH
4. Jasmina Kurspahić, pravica UP FBiH

Pod tekućim pitanjima članovi su **raspravljali o održavanju sastanaka rukovodstva Unije poslodavaca RS i Udruženja poslodavaca FBiH**. Izvršni odbor je donio Odluku o potrebi održavanja redovnih sastanaka, najmanje dva do tri puta godišnje, s ciljem unaprjeđenja saradnje entitetskih udruženja koja zajednički trebaju da djeluju na nivou BiH i raditi na poboljšanju poslovnog ambijenta na nivou BIH. Sastanci bi se održavali naizmjenično, jedan u FBiH, jedan u RS-u, a razgovaralo bi se o aktivnostima i inicijativama oba udruženja, iskustvima i jačanju zajedničke saradnje.

Udruženje poslodavaca FBiH pozdravlja potpisivanje Sporazuma o radu ESV-a FBiH i obnovu socijalnog dijaloga



U Udruženju poslodavaca Federacije BiH ohrabreni su današnjim potpisivanjem Sporazuma o radu Ekonomsko-socijalnog vijeću za teritoriju FBiH kojim će, nakon dvije godine blokade tokom kojih nisu održavane sjednice, konačno biti obnovljen rad ovog tijela.

Predsjednik Udruženja poslodavaca FBiH Adnan Smailbegović napomenuo je da se dugo čekalo na revitalizaciju socijalnog dijaloga, koji nije samo poželjan nego i neophodan kako bi se donijeli kvalitetni zakoni. Socijalni dijalog je važan zbog čitavog niza tema koje je potrebno raspraviti u kontekstu ekonomske politike i šire društvene zajednice, stoga usporavanje dijaloga nije nikome u interesu.

Sporazum je u ime Vlade FBiH potpisao premijer Federacije BiH Fadil Novalić, u ime Udruženja poslodavaca u Federaciji BiH predsjednik Adnan Smailbegović, te ovlašteni predstavnici za zastupanje 16 granskih sindikata za teritoriju Federacije BiH. Potpisivanju je prisustvovao i zamjenik premijera FBiH i federalni ministar rada i socijalne politike Vesko Drljača

„Drago mi je što ćemo otkočiti ovaj proces i nastaviti dalje jer nema reformi bez kvalitetne saradnje poslodavaca, sindikata i vlasti“ istakao je Smailbegović.

Udruženje poslodavaca FBiH očekuje od granskih sindikata koji danas nisu potpisali Sporazum da do 29. novembra pristupe potpisivanju u cilju daljeg razvoja socijalnog dijaloga.

UPFBiH i Federalni zavod za statistiku zajedno će raditi na pojednostavljenju procedura prikupljanja statističkih podataka

Na inicijativu Udruženja poslodavaca Federacije Bosne i Hercegovine je održan sastanak sa direktorom Zavoda za statistiku FBiH Emirom Krečićem na kojem je **usaglašeno da se zajednički radi na provedbi Odluke Ustavnog suda Bosne i Hercegovine iz 2009. godine s ciljem donošenja novog zakona o statistici FBiH.**



Podsjećamo da se Odlukom Ustavnog suda BiH od entiteta zahtijeva da u skladu sa odredbama Člana III/5.b. Ustava BiH da usklade svoje zakonodavstvo i da započnu pregovore s ciljem spajanja entitetskih zavoda sa Agencijom za statistiku BiH, kako bi se na nivou BiH regulirali svi aspekti prikupljanja, obrade i distribucije statističkih podataka i stavili pod nadležnost države BiH.

Na sastanku je dogovoreno da će se formirati stručni timovi u kojima će predstavnici UPFBiH i Federalnog zavoda za statistiku zajednički raditi na pojednostavljenju procedura prikupljanja statističkih podataka, kako bi se izbjeglo sada prisutno dostavljanje istih podataka prema različitim osnovama što dodatno opterećuje privredne subjekte.

Također je dogovoreno da se za predstavnike privrednih subjekata u FBiH organiziraju edukacije o značaju i metodologiji dostavljanja podataka te zajednički uraditi priručnik o prikupljanju i načinu dostavljanja podataka, što će u mnogome olakšati ovaj dio posla.

Navedene zajedničke aktivnosti su nastavak izuzetno uspješne dugogodišnje saradnje između Zavoda za statistiku FBiH i UPFBiH.

UPFBiH i UIO razgovarali o Uputstvu o dostavljanju podataka iz knjigovodstvenih evidencija elektronskim putem

Na inicijativu Udruženja poslodavaca FBiH 27. novembra 2019. godine u prostorijama Uprave za indirektno oporezivanje u Banjoj Luci održan je sastanak predstavnika UPFBiH i UIO u vezi sa **Nacrtom uputstva o dostavljanju podataka iz knjigovodstvenih evidencija elektronskim putem.**



Sastanku su prisustvovali direktor UIO Miro Džakula, pomoćnik direktora UIO Sektora za poreze Sedin Mešinović, šefica Odsjeka za obradu poreskih prijava i koordinator Radne grupe za izradu predmetnog podzakonskog akta UIO Milica Vidović, šef Odsjeka za obradu poreskih prijava UIO Vinko Skoko, te sekretar Udruženja poslodavaca FBiH Mersiha Jusić, predsjednica Ekonomskog Savjeta UPFBiH Mubera Brković, član Ekonomskog savjeta UPFBiH Sadeta Abduzaimović-Filipović i član UPFBiH Bahra Huseinbegović.

Direktor UIO Miro Džakula je istakao da ovakav vid saradnje između poslovne zajednice i Uprave za indirektno oporezivanje mora postati praksa kako bi se poboljšao poslovni ambijent i imajući u vidu da UIO želi stvarati bolje uslove za poslovanje kao i smanjiti sivu ekonomiju i utaju poreza.

Džakula smatra da UIO i UPFBiH mogu zajedno raditi na zakonima kao što su Zakon o PDV-u, Zakon o akcizama, Zakon o sistemu indirektnog oporezivanja i dr, te da je logično da se ove

dvije organizacije neće uvijek složiti o svakom članku zakona ali da primarni cilj treba biti sprječavanje utaje poreza.

Glavna tema sastanka je bio Uputstvo o dostavljanju podataka iz knjigovodstvenih evidencija elektronskim putem, koje je u proceduri objavljivanja te su predstavnici UIO predstavili zakonski osnov za donošenje Uputstva, njegovu svrhu, te pojasnili odredbe svakog člana pojedinačno. Također su predstavili način elektronskog podnošenja evidencija o nabavkama i isporukama na testnoj platformi te razjasniti sve eventualne dileme.



	soft	selting uss	conv	duty	van pro	166.99	112.12
	14.88	105.00	131.25	139.13	102.14	107.74	109.61
	6.58	72.00	90.00	95.40	105.99	191.94	197.35
	18.98	118.00	147.50	156.36	185.75		
	5.9	75.00	93.75	99.36	108.51	110.44	112.12
	2.54	82.00	65.00	68.99	73.30	74.23	75.04
	5.11	72.00	90.00	95.40	103.31	104.98	106.4
0	5.9	75.00	131.25	139.13	156.40		
10	2.54	82.00	90.00	95.40	103.31	149.06	151.1
25	5.11	72.00	123.75	131.18	145.99		
40	11.15	105.00	135.00	143.18	160.34	163.97	
80	5.05	72.00	85.00	90.16	98.20	99.97	
25	9.54	99.00	123.75	131.18	144.40	145.03	
40	11.13	108.00	122.50	129.85	145.03		
80	5.23	68.00	122.50	129.85	145.03		
25	8.54	99.00	68.75	72.88	81.56		
40	9.8	98.00	42.50	45.05	49.03		
40	9.8	98.00	81.25	64.93	71.01		
40	5.61	55.00	118.75	125.88	135.97		
	2.57	34.00	60.00	63.60	68.49		

Udruženje poslodavaca je podržalo donošenje navedenog uputstva kojima se nastoji olakšati komunikacija između UIO i poreznih obveznika kao i olakšati poslovanje i smanjiti kontrole UIO, te je Udruženje odustalo od svojih primjedbi na Uputstvo imajući u vidu da su na sastanku dobili sve potrebne odgovore u pogledu nejasnoća u primjeni Uputstva.

Na sastanku je napomenuto da su sve eventualne nejasnoće i odgovori na pitanja sadržani u Tehničkom uputstvu, također prezentovanog na sastanku, a koje će zajedno sa Uputstvom biti objavljeno u Službenom glasniku BiH.

Nakon objavljivanja Uputstva, dostavljanje knjigovodstvenih evidencija u prvoj godini bit će dobrovoljno, a nakon toga, od 2021. godine, elektronsko dostavljanje će biti obavezno.

Na sastanku su, također, predstavnici Udruženja upoznali direktora UIO sa inicijativom koje je Udruženje uputilo, a vezano za izmjenu Pravilnika o primjeni zakona o PDV-u te ukazali na probleme sa kojima se poslodavci susreću kada su u pitanju propisi iz oblasti carinske politike.

Ministarstvu finansija FBiH upućena inicijativa za izmjene i dopune Zakona o porezu na dobit po hitnom postupku

Udruženje poslodavaca FBiH dostavilo je Ministarstvu finansija FBiH inicijativu za **izmjene i dopune Zakona o porezu na dobit** kojom se definišu pitanja za čije utvrđivanje postoji neodložna potreba, te bi donošenje zakona u redovnom postupku moglo da izazove štetne posljedice za Federaciju BiH. S tim u vezi Udruženje je predložilo donošenje Zakona o izmjenama i dopunama Zakona o porezu na dobit po hitnom postupku.

Naime, od 1. januara 2019. godine u FBiH je u obaveznoj primjeni novi računovodstveni standard, MFSI 16 - "Najmovi", čijim stupanjem na snagu je nestala razlika između priznavanja finansijskog i operativnog najma kod najmoprimca.

Primjenom novog Standarda, najmoprimac, više neće knjižiti u svojim poslovnim knjigama trošak operativnog najma. Ugovaranjem unajmljivanja putem operativnog najma, najmoprimac će knjižiti sredstvo sa pravom korištenja i dugoročnu finansijsku obavezu za cjelokupni period trajanja ugovora. Knjiženo sredstvo sa pravom korištenja će se amortizovati tokom vijeka trajanja ugovora o najmu. Vremenska vrijednost novca, za koju je diskontovana obaveza za najam za cjelokupni period trajanja ugovora o najmu, knjižiti će se na kontu finansijskih rashoda (kamata) u knjigama najmoprimca, prema mjesečnom obračunu kamate. Stoga, dosadašnji trošak najma kod najmoprimca zamijeniti će trošak amortizacije i kamate.

Imajući u vidu trenutne odredbe Zakona o porezu na dobit, amortizacija je priznat trošak isključivo ukoliko se radi o sredstvima u vlasništvu poreznog obaveznika. S tim u vezi, hitno su neophodne izmjene odredbi Zakona o porezu na dobit u FBiH, kojim bi se regulisao porezni tretman amortizacije sredstava koja će se primjenom MSFI 16 naći u knjigama najmoprimca. U suprotnom, široka privredna zajednica će se suočiti sa nepravednim gubicima uslijed nedostatka prijeko neophodnih izmjena koje nisu donesene na vrijeme te vjerovatno dodatnim negativnim efektima u poslovanju.

Inicijativu Udruženja možete pročitati [OVDJE](#).

UPFBiH uputilo inicijativu za donošenje Zakona o izmjenama i dopunama Zakona o poreznoj upravi FBiH



Udruženje poslodavaca FBiH uputilo je premijeru Vlade FBiH, Ministarstvu finansija FBiH i Poreznoj upravi FBiH **inicijativu za donošenje Zakona o izmjenama i dopunama Zakona o poreznoj upravi FBiH** iz razloga što po važećem Zakonu nije propisan apsolutni rok zastare za razrez i naplatu poreza, što znači da porez


ne zastarijeva i da porezna tijela mogu postupati uvijek i po vlastitoj volji.

Institut apsolutne zastare postoji u svim zemljama u okruženju i Europi. Svrha instituta zastare je da doprinese ostvarenju pravne sigurnosti i sprečavanju stanja trajne pravne zaštite. Pravni poredak i pravna sigurnost ne trpe postojanje trajnog stanja u kojem se prava ne ostvaruju i obaveze ne izvršavaju, te se i vrijeme pravne zaštite mora ograničiti zakonom. Ukoliko država nije prepoznala interes i naplatila poreze u razumnom roku od njihovog nastanka, zastara se nameće kao neka vrsta kazne zbog nebrige. Predlaganjem uvođenja instituta apsolutne zastare ne želi se omogućiti neplaćanje poreznih obaveza, već doprinijeti efikasnosti rada poreznih organa i učinkovitijoj naplati poreza. Ukoliko se ne uvede institut apsolutne zastare za nekoliko godina porezni organi bit će zagušeni velikim brojem starih predmeta, tako da će se dovesti u pitanje njihova efikasnost u rješavanju budućih poreznih prijava. Također, potrebno je više raditi na pitanju prevencije, edukacije i promovisanju ekonomskog patriotizma, a sve u cilju jačanja poreske odgovornosti i poreske discipline.

Obzirom da se ne radi o složenim i obimnim izmjenama i da je riječ o samo jednom članu Zakona, UPFBiH je predložilo da se Zakon razmatra po skraćenom postupku.

UPFBiH uputilo Ministarstvu rada i socijalne politike FBiH teksta Zakona o ustupanju radnika

Udruženje poslodavaca u FBiH je pripremlilo i Ministarstvu rada i socijalne politike FBiH uputilo tekst Zakona o ustupanju radnika. Donošenje ovog zakona je neophodno jer bi se nakon višegodišnjeg pravnog vakuma konačno uredilo pitanje rada preko agencija za privremeno



zapošljavanje, odnosno ustupanje zaposlenih, a izvršila bi se harmonizacija radnog zakonodavstva FBiH sa Konvencijom MOR-a i direktivom EU i radnim zakonodavstvom Republike Srpske.

Ovakav zakon postoji u svim zakonodavstvima zemalja u regionu i zemljama EU, a Bosna i Hercegovina je ratifikovala Konvenciju broj 181 Međunarodne organizacije rada, kojom se definiše rad agencija za privremeno zapošljavanje, čime je preuzela i obavezu poštivanja iste.

Cilj donošenja zakona je podsticanje zapošljavanja i razvoj fleksibilnih oblika radnog angažovanja uz stvaranje preduslova da u tim slučajevima neće dolaziti do smanjivanja prava radnika i iskorištavanja njihovog položaja.

Prijedlog zakona možete pogledati [OVDJE](#).

Zasjedali članovi Pravnog i Ekonomskog savjeta

Na sastanku Ekonomskog savjeta i Pravnog savjeta održanog 06. novembra 2019. godine, članovi su razmatrali inicijativu Udruženja poslodavaca FBiH za izmjenu Zakona o porezu na dobit, a koja se odnosi na rješavanje pitanja poreznog tretmana efekata koji se javljaju primjenom Međunarodnog standarda finansijskog



izveštavanja 16. Članovi Ekonomskog i Pravnog savjeta će pripremiti definiciju člana koji treba da se izmijeni, te je predloženo da se inicijativa za izmjene i dopune Zakona o porezu na dobit dostavi nadležnom ministarstvu kako bi je ministarstvo uputilo u hitnu proceduru.

Ekonomski i Pravni savjet je također podržao i inicijativu za izmjene i dopune Zakona o poreznoj upravi. Ova inicijativa, kao i inicijativa za rješavanje pitanja poreznog tretmana efekata koji se javljaju primjenom MSFI 16 bit će razmatrane na sjednici Upravnog odbora Udruženja poslodavaca FBiH.

Nadalje, članovi savjeta podržavaju donošenje Uputstva o podnošenju KIF-a i KUF-a, jer on ne predstavlja dodatne obaveze za poslodavce niti zahtjeva dodatne troškove. Savjeti će pripremiti komentare na Uputstvo koji će u konačnici doprinijeti poboljšanju teksta i otkloniti određene nejasnoće, a kako bi se olakšala primjena ovog akta.

Po pitanju Zakona o stvarnim pravima, članovi ova dva savjeta smatraju da je potrebno obaviti raspravu u koju bi se uključilo veliki broj zainteresovanih strana, a kako bi se podnijela kvalitetna inicijativa za izmjenu ovog zakona.

Sastanak članova tematskih podrupa za izradu Strategije razvoja FBiH 2021 – 2027



Članovi tematskih podrupa za izradu Strategije razvoja FBiH 2021 – 2027, delegirani ispred Udruženja poslodavaca FBiH, održali su konsultativni sastanak 20. novembra 2019. godine, a kako bi razgovarali o strateškim ciljevima

koji bi se trebali inkorporirati u Strategiju.

Buduća Strategija razvoja će biti podloga i osnov za izradu godišnjih i trogodišnjih planova federalnih institucija. Članovi su na sastanku razmatrali i utvrdili ključne probleme, izazove i potencijale tematskih podgrupa, te je donesen zaključak da će Udruženje poslodavaca FBiH sačiniti Prilog za izradu Razvojne strategije, razvrstan po ciljevima tematskih podgrupa. Svaki član podgrupe će dati svoje prijedloge mjera i aktivnosti koje smatraju suštinskim za realizaciju strateških ciljeva ekonomskog razvoja, društvenog razvoja, dobre i inkluzivne javne uprave i održivog infrastrukturnog razvoja.

Vizija UPFBiH, koju predlažemo da se inkorporira u Razvojnu strategiju FBiH 2021-2027., jeste da BiH bude među 20 najstimulativnijih zemalja za investiranje u Evropi te su članovi saglasni da je izrada ovakvog strateškog dokumenta od izuzetne važnosti za razvoj FBiH, uz napomenu da je neophodno da Strategija razvoja na neki način bude obavezujući dokument nosiocima izvršne i zakonodavne vlasti FBiH.

Provođenje procjene potreba za angažman u sprječavanju rodno zasnovane diskriminacije u oblasti rada u BiH



Misija OSCE-a u BiH trenutno radi na **Provođenju procjene potreba za angažman u sprječavanju rodno zasnovane diskriminacije u oblasti rada** u BiH. Imajući u vidu značaj rada Udruženja poslodavaca FBiH, vanjska konsultantica Lejla Gračanica koja posjeduje dugogodišnje ekspertno radno iskustvo u oblasti ljudskih prava

održala je 01. novembra 2019. godine sastanak sa sekretarkom Udruženja poslodavaca FBiH Mersihom Jusić. Jusić je upoznala konsultanticu o aktivnostima Udruženja, njegovim ciljevima, izazovima, ali i stanjem u privredi FBiH, kao i potrebama za rasterećenje privrede i unapređenje poslovnog ambijenta. Napomenula je da Udruženje aktivno radi na izmjenama radnog zakonodavstva, te da je spremno podržati inicijative za rješavanje problema rodno zasnovane diskriminacije u oblasti rada u BiH.

Informacije prikupljene tokom procjene Misija OSCE-a će koristiti za definisanje aktivnosti tokom naredne tri godine, uzimajući u obzir sve postojeće inicijative relevantnih aktera koji se bave ovom problematikom.

Diskusija "Kako unaprijediti održivost migracija u BiH"

Stvaranjem realnih i jednakih šansi za rad i uspjeh mladim ljudima u ovoj zemlji možemo odgovoriti na migracijski izazov – kroz bolje obrazovanje, podršku zapošljavanju, bolji opći ambijent života, a nikakvom retorikom, izjavio je ministar privrede Kantona Sarajevo Haris Bašić uoči diskusije posvećene problematici migracija iz Bosne i Hercegovine.

Faktori koji potiču migracije, njihove posljedice, kao i utjecaj na održivost ekonomije i sektora javnih usluga, teme su diskusije kojoj su prisustvali predstavnici resornih ministarstva i institucija u BiH, nevladinog sektora, direktor Udruženja poslodavaca FBiH Mladen Pandurević, kao i članovi istraživačkog tima u projektu pod nazivom "Kako unaprijediti održivost migracija u BiH".

Ministar Bašić govorio je o razlozima odlaska iz BiH i kako su se oni mijenjali u proteklom periodu, te institucionalnim odgovorima na taj veliki izazov koje Vlada KS i Ministarstvo na čijem je čelu daju. Naveo je da su se primarni razlozi odlaska ljudi iz naše zemlje smjenjivali i to u relativno kratkim periodima. Od potrage za boljim obrazovanjem i boljim poslom, do besperspektivnosti i straha za budućnost koju danas dobar dio stanovništva doživljava ovdje.



"Ministarstvo na čijem sam čelu za ovo kratko vrijeme nastojalo je pružiti odgovore na ekonomske probleme koji su uzrokom odlaska stanovništva, kao i malog broja stranih investitora koji dolaze u BiH. Kroz pojačanu transparentnost procesa podrške privredi pokazujemo da želimo stvoriti jednaku šansu za sve i smanjivati nepravdu koja je jedan

od ključnih okidača za odlazak iz zemlje. Naše aktivnosti posebno su fokusirane na mlade ljude. Zakonskim rješenjima koji su već u proceduri usvajanja ili u pripremi ubrzavamo procedure, rasterećujemo privredu, razvijamo preduzetničku infrastrukturu. Smatramo da to može biti makar dijelom adekvatan odgovor na izazove migracija", kazao je ministar Bašić.

Cilj diskusije je ispitati, između ostalog, koja je potencijalna migracijska populacija, kakvi su stavovi populacije u BiH naspram migracija, kao i stavovi ljudi u emigraciji u pogledu interesa i perspektiva povratka i njihovog prijenosa stečenih znanja i investiranja u pokretanje poduzetništva u BiH.

UPFBiH radionica: Poslodavci prvi put imaju pravo na naknadu štete zbog neopravdanog kažnjavanja



Zakon o prekršajima FBiH prvi put predviđa mogućnost naknade štete zbog neopravdanog kažnjavanja, rečeno je na radionicama o pravima i obavezama u postupku inspekcijskog nadzora koju je organiziralo Udruženje poslodavaca Federacije Bosne i Hercegovine u Zenici i Tešnju.

Kako je učesnicima radionice naglasila voditeljica radionice Dijana Ružić, pravo na naknadu štete zbog neopravdanog kažnjavanja ima lice kome je pravosnažnim rješenjem bila izrečena prekršajna kazna ili zaštitna mjera, a kasnije je povodom vanrednog pravnog lijeka prekršajni postupak obustavljen. Ovo pravo ne može se realizirati u slučajeve ako je povodom zahtjeva za ponavljanje prekršajnog postupka na štetu okrivljenog novi postupak obustavljen usljed smrti ili kakvog trajnog duševnog oboljenja okrivljenog nakon učinjenog prekršaja, ako je novi prekršajni postupak obustavljen zbog zastare gonjenja do koje je došlo zbog nedostupnosti okrivljenog, odnosno, ako je okrivljeni svojim lažnim priznanjem ili na drugi način namjerno prouzrokovao svoje kažnjavanje, osim ako je na to bio prinuđen.

„Zakon predviđa i pravo na naknadu štete za lice koje je bilo zadržano u prekršajnom postupku pa je postupak obustavljen, koje je usljed greške ili nezakonitog rada sudije neosnovano zadržano duže nego što zakon dozvoljava“, naglasila je Ružić.

Također, lice kome je u prekršajnom postupku neopravdano izrečena novčana kazna, zaštitna mjera oduzimanja imovinske koristi ili zaštitna mjera oduzimanje predmeta, ima pravo na vraćanje plaćene novčane kazne, oduzete imovinske koristi, predmeta ili novčane vrijednosti oduzetog predmeta.

„Važno je istaknuti da se smatra da je lice neopravdano kažnjeno ako je u slučaju preinačenja ili ukidanja pravosnažnog rješenja o kažnjavanju postupak protiv njega obustavljen ili je donijeto oslobađajuće rješenje, usljed toga što je utvrđeno da radnja nije prekršaj ili što postoje osnovi koji isključuju odgovornost učinitelja prekršaja ili što nije dokazano da je to lice učinilo prekršaj“, istaknula je Ružić.

Vraćanje novčanog iznosa ne može zahtijevati kažnjeno lice koje je svojim lažnim priznanjem prouzrokovalo kažnjavanje. Poslije smrti neopravdano kažnjelog lica naknadu štete, odnosno, vraćanje novčanog iznosa, mogu tražiti bračni partner i srodnici koje je to lice po zakonu bilo dužno izdržavati.

Pravo neopravdano kažnjelog lica da traži naknadu štete, odnosno, vraćanje novčanog iznosa zastarijeva za jednu godinu od dana pravosnažnosti rješenja, odnosno, rješenja kojim je prekršajni postupak bio obustavljen. Zastara se prekida podnošenjem zahtjeva nadležnom organu, ministarstvu ili



upravi nadležnoj za poslove prekršaja. Ovlašteno lice dužno je da se zahtjevom za naknadu štete obrati nadležnom organu, ministarstvu ili upravi nadležnoj za poslove prekršaja, radi sporazuma o postojanju štete i visini naknade. Ako do sporazuma ne dođe u roku od tri mjeseca od dana prijema zahtjeva, ovlaštena osoba može nadležnom sudu podnijeti tužbu za naknadu štete protiv FBiH, kantona, grada ili općine u zavisnosti u korist čijeg budžeta je plaćena novčana kazna, oduzeta imovinska korist, uknjižen oduzeti predmet ili novčana vrijednost oduzetog predmeta.

Zahtjev za vraćanje novčanog iznosa podnosi se organu uprave nadležnom za finansije.

UPFBiH radionica: Šta sve mora sadržavati prekršajni nalog?



Jedna od centralnih tema radionice o pravima i obavezama u postupku inspeksijskog nadzora koju je organiziralo Udruženje poslodavaca FBiH u Sarajevu bilo je pokretanje prekršajnog postupka. Kako je istaknuto Zakon o prekršajima FBiH predviđa pokretanje prekršajnog postupka izdavanjem prekršajnog naloga ili podnošenjem

zahtjeva za pokretanje prekršajnog postupka sudu.

„Ako okrivljeni izvrši više prekršaja u sticaju, tada ovlašteni organ može prekršajnim nalogom izreći jedinstvenu novčanu kaznu primjenom pravila o izricanju kazne u sticaju, a ako je za samo jedan od izvršenih prekršaja predviđena zaštitna mjera, može izreći i tu zaštitnu mjeru u najkraćem predviđenom trajanju. Ovlašteni organ koji je izdao prekršajni nalog može u svako vrijeme ispraviti pogreške u pisanju ili ostale očigledne pogreške po službenoj dužnosti ili na prijedlog strana u postupku, o čemu donosi poseban zaključak o ispravljanju pogreške u nalogu“, istaknula je voditeljica radionice Diana Ružić.

Prekršajni nalog se može izdati samo u slučajevima kada odgovarajući zakon ili drugi propis određuje fiksnu novčanu kaznu, kada novčana kazna može biti izračunata korištenjem matematičke formule, ili kada ovlašteni organ odluči izreći minimalnu novčanu kaznu, odnosno, zaštitnu mjeru u najkraćem trajanju ili zaštitnu mjeru oduzimanja predmeta određenu takvim zakonom ili drugim propisom.

Kako je rečeno prekršajni nalog se izdaje u pisanoj formi i mora sadržavati sljedeće podatke:

naziv prekršajnog naloga, naziv ovlaštenog organa koji ga je izdao, ime i svojstvo službene osobe koja ga je izdala, jedinstveni broj određen od ovlaštenog organa, datum izdavanja i datum uručenja što je određeno članom 56. stav (3) Zakona, prekršaj koji je počinio okrivljeni, naziv zakona i član koji određuje



prekršaj. U slučajevima gdje je okrivljeni fizičko lice: njegovo ime i prezime, njegova stalna adresa, odnosno adresa iz evidencije prebivališta i boravišta, jedinstveni matični broj, a za strance broj pasoša, država izdavanja pasoša, datum rođenja, kao i mjesto zaposlenja okrivljenog. U slučajevima gdje je okrivljeni pravno lice: njegov naziv i sjedište i jedinstven identifikacijski broj, mjesto, datum i vrijeme kada je prekršaj počinjen, kao i činjenični opis radnji koje određuju pravnu kvalifikaciju prekršaja, utvrđenu sankcija, uključujući novčanu kaznu i/ili zaštitnu mjeru, iznos naknade štete, ukoliko se taj iznos može odrediti prema objektivnim mjerilima i troškovi postupka ukoliko su određeni zakonom u fiksnom iznosu, uputstvo da se novčana kazna, šteta i troškovi trebaju platiti ili da okrivljeni mora zatražiti sudsko odlučivanje o prekršajnom nalogu u roku osam dana od dana uručenja, uputstvo o načinu plaćanja novčane kazne, štete i troškova i potpis ovlaštenog predstavnika ovlaštenog organa.

Prekršajni nalog sastoji se od originala i najmanje dvije kopije. Original zadržava ovlašteni organ u svojoj evidenciji. Dvije kopije uručuju se okrivljenom. Prekršajni nalog može se uručiti okrivljenom ličnim uručenjem, uručenjem putem pošte ili pričvršćivanjem ili ostavljanjem prekršajnog naloga na sigurnom i vidljivom mjestu na motornom vozilu, ako je prekršaj koji je počinjen vezan uz nepropisno parkiranje motornog vozila.

Kada je prekršajni nalog uručen lično, datum uručenja je datum kada ga je okrivljeni primio.

Kada je prekršajni nalog uručen putem pošte, smatrat će se da je dostavljanje izvršeno po isteku pet radnih dana, nakon što ga je ovlašteni organ predao na poštu. Kada je prekršajni

nalog ostavljen na motornom vozilu, datum uručenja je datum kada je ostavljen na motornom vozilu, a ovakva odredba važi u Federaciji BiH i Brčko distriktu.



Uručenje putem pošte, kao vid dostave je od strane Ustavnog suda Republike Srpske proglašen neustavnim i te su odredbe u Zakonu o prekršajima Republike Srpske prestale važiti u RS.

Dešava se da subjekt nadzora odbije primiti poštom dostavljeni prekršajni nalog čime misli da može osporiti

uredno uručenje prekršajnog naloga. Zakon je u ovom smislu jasan, gdje je utvrđeno da se smatra da je dostavljanje izvršeno po isteku pet radnih dana, nakon što ga je ovlašteni organ predao na poštu. Kad istekne rok koji je određen u prekršajnom nalogu za traženje sudskog odlučivanja, smatrat će se da je okrivljeni prihvatio odgovornost propuštanjem i prekršajni nalog će postati konačan i izvršan. Okrivljenom koji nema prebivalište u Bosni i Hercegovini, a primi prekršajni nalog može se ponuditi mogućnost plaćanja novčane kazne u najbližoj policijskoj stanici ili u uredu ovlaštenog organa.

Kada primi prekršajni nalog i želi sudsko odlučivanje, okrivljeni mora zatražiti sudsko odlučivanje tako što će na odgovarajućem mjestu potpisati jednu kopiju prekršajnog naloga i dostaviti je sudu kao što je određeno u prekršajnom nalogu prije isteka roka određenog prekršajnim nalogom i pojaviti se pred sudom na dan i u vrijeme određeno za usmeni pretres po prekršajnom nalogu, ili, ako datum nije naveden, na dan koji je sud odredio za usmeni pretres.

Na radionici je predstavljen i Priručnik „Prava i obaveze poslodavaca kod vršenja inspekcijskog nadzora", a do sada su radionice održane u Goraždu, Bihaću, Mostaru, Tuzli, Zenici i Tešnju.

Tokom radionica predstavnici privatnih i javnih kompanija su mogli direktno sa stručnjakom iz ove oblasti razmijeniti stavove i iskustva o postupku inspekcijskog nadzora.

Inicijativom Udruženja poslodavaca od 2020. ukida se naknada za korištenje općekorisnih funkcija šuma



Šesta sjednica Koordinacionog tijela za parafiskalne namete u Kantonu Sarajevo održana je 01. novembra 2019. godine na kojoj se raspravljalo o **izmjenama i dopunama zakona o sudskim taksama i smanjenju naknade za korištenje općekorisnih funkcija šuma.**

Ministar finansija KS Amel Kovačević je istakao da je potrebno jasno definisati korake suda vezano za naplatu sudskih

taksi te uspostaviti registar potraživanja u Kantonu Sarajevo u sklopu kojeg će biti registar neplaćenih sudskih такси, a koji će se uspostaviti i voditi u Ministarstvu finansija. Takav registar bio bi osnova za bilo kakvu komunikaciju sa pravnim i fizičkim licima u Kantonu Sarajevo.

Predstavnik Udruženja poslodavaca KS Suad Ećo napomenuo je da su na Upravnom odboru Udruženja razmatrani radni materijal za sjednicu Koordinacionog tijela za parafiskalne namete u KS te da je zaključeno da je potrebno da se izmjenama predmetnog zakona obuhvati što više tarifnih brojeva.

Izmjene i dopune zakona o sudskim taksama upućene su radnoj grupi koju čine predstavnici općinskih i kantonalnih sudova na razmatranje.

Također, ministar finansija je obavijestio prisutne da je u vezi ranije upućene inicijative Udruženja poslodavaca za smanjenje naknade za korištenje općekorisnih funkcija šuma, zaključkom Vlade pokrenuta aktivnost za izmjene Zakona o šumama u KS i da će pomenuta naknada biti ukinuta od 2020. godine, a da će se upravljanje šumama finansirati iz Budžeta Kantona Srajevo.

ESK KS: Podržano ukidanje nameta privrednicima za opštekorisne funkcije šuma

Ekonomsko-socijalno vijeće za područje KS usvojilo je na sjednici prijedlog izmjena i dopuna Zakona o šumama KS, upućenog od Ministarstva privrede KS. Izmjenama je predviđeno, između ostalog, ukidanje plaćanja naknade za opštekorisne funkcije šuma privrednim subjektima u KS-u. Prijedlog Ministarstva je da se ukinu ovi parafiskalni nameti za koje



privredni subjekti po završnom računu izdvajaju 0,07 posto od ukupnog prihoda, te da se sredstva za te namjene izdvajaju iz Budžeta KS. Kako je navedeno, cilj Vlade KS i resornog ministarstva je da se na ovaj način rasterete privredni subjekti u Kantonu Sarajevo.

ESV je dalo osvrst i na Nacrt programa rada Kantonalne uprave za inspeksijske poslove za 2020. godinu. Kako je izjavio predsjednik ESV-a KS Franjo Rener, Inspekcija je dostavila korektan Program rada na koji postoji nekoliko primjedbi od sindikata. Generalna je primjedba da nedostaje uposlenika u inspekciji, posebno kada je riječ o zaštiti o radu.

Usvojen je i Nacrt zakona o Ekonomsko-socijalnom vijeću za područje KS, a kojim se po prvi put zakonski uređuje rad ovog tijela.

"Kanton Sarajevo ima funkcionalno Ekonomsko-socijalno vijeće i ono što je naša intencija jeste da zakonom o ESV-u dobru volju, odnosno saradnju između Vlade KS, poslodavaca i sindikata ozakonimo. Ono što ćemo uvesti zakonom kao obavezu jeste dužnost konsultacije ESV-a, posebno kada se donose zakonski akti, prije nego što oni dođu na Vladu KS", izjavio je potpredsjednik ESV-a i ministar za rad, socijalnu politiku, raseljena lica i izbjeglice KS Malik Garibija.

"ESV KS ima 15 članova, po pet od svakog socijalnog partnera, odnosno Vlade, poslodavaca i sindikata. Tu su naravno reprezentativna udruženja poslodavaca i sindikata. Odluke se donose konsenzusom, moraju se svi složiti da bi nešto prošlo. Ono što je inovativnije, a uvodimo u praksu jeste da ESV vrlo aktivno razmatra sve zakone i druge akte koji mogu zanimljivi i poslodavcima i sindikatima", pojasnio je ministar Garibija.

Održana sjednica UO Udruženja poslodavaca Kantona Sarajevo



Na sjednici Upravnog odbora Udruženja poslodavaca Kantona Sarajevo, održanoj 07. novembra 2019. godine, nakon usvajanja Zapisnika sa prošle sjednice UO, članovi su raspravljali o Nacrtu programa rada za 2020. godinu Kantonalne uprave za inspeksijske poslove KS. Članovi UO će svoje primjedbe dostaviti Kantonalnoj upravi za inspeksijske poslove KS te će se zatražiti tumačenje odredbe o neophodnosti posjedovanje izjave o

otvorenju poslovne jedinice koja je starija od deset godina. Primjedbe na pomenuti nacrt, kao i na radni materijal Zakona o ESV-u KS, iznijet će se i na sjednici Ekonomsko-socijalnog vijeća KS zakazanoj za 11.11.2019. godine.

Predsjednik UO UPKS Safudin Čengić izvjestio je članove o poduzetim aktivnosti za tematsku sjednicu Ekonomsko-socijalnog vijeća KS na temu "Stečaj: nova šansa ili propast? – stanje u Kantonu Sarajevo", te je zaključeno da će UPKS pozvati sve članove i zamjenike članova ESV-a KS i ostale članice Udruženja poslodavaca KS na sjednicu, a kako bi poslodavci dali svoj doprinos iznalaženju najpovoljnijeg rješenja.

U nastavku sjednice, član Koordinacionog tijela za parafiskalne namete u KS ispred UPKS Suad Ećo obavijestio je prisutne o zaključcima sa prošle sjednice ovog tijela na kojoj je iznijet stav

UPKS da je neophodno smanjiti sve sudske i administrativne takse za 50 posto, o čemu će se govoriti i na narednoj sjednici. Na sjednici je donesen zaključak da će naknada za korištenje opštekorisnih funkcija šuma od 2020. godine biti ukinuta.

Članovi UO su razmatrali i Prednacrt zakona o dualnom obrazovanju, sa akcentom na član 13., 40. i 45. Upravni odbor UPKS smatra da je Zakon o dualnom obrazovanju neophodan, ali da je potrebno u Zakonu defininisati obaveze države. Zaključeno je da će se u narednom periodu organizovati sastanak s ministricom obrazovanja,



nauke i mladik KS Zinetom Bogunić na kojem će se razgovarati o predloženim zakonskim rješenjima, te da će se, ukoliko se ne uvažavaju zahtjevi UPKS, provesti anketa među članicama UPKS o zainteresovanosti za uključivanje u sistem dualnog obrazovanja, odnosno, da li su voljne preuzeti sve obaveze koje su predložene u Nacrtu zakona. Također, UPKS će tražiti hitan sastanak s premijerom Vlade KS, ministrom privrede KS, ministrom rada i socijalne politike KS i Službom za zapošljavanje KS na kojem će se razgovarati o brojnom stanju i strukturi nezaposlenih. Upravnom odboru UPKS će se dostaviti informacija o tome koliko je učenika upisano u školskoj 2019/2020. godini u svim srednjim školama po zanimanjima.

Članovi su informirani i o zaključcima sa XXI proširene sjednice UO Udruženja poslodavaca FBiH te je naloženo stručnoj službi da dostavi članovima Upravnog odbora KS analizu efekata primjene novih stopa poreza i doprinosa koju je uradilo Udruženje poslodavaca FBiH.

Pod tekućim pitanjima razmatrano je delegiranja predstavnika UPKS za skupštine, UO i NO javnih preduzeća i institucija čiji je osnivač Kanton Sarajevo te je zaključeno da će se Skupštini Kantona Sarajevo dostaviti dopis o popisom članova UO, predsjednika i potpredsjednika Skupštine UKS koji bi bili imenovani u ova tijela.

Grupacija poslodavaca USK pri UPFBiH uputila Vladi USK inicijativu za hitno donošenje novog Pravilnika čija bi primjena omogućila organiziranje učeničkih zadruga



Predstavnik Grupacije poslodavaca USK pri UPFBiH Edin Ibrahimpašić održao je 06. novembra 2019. godine sastanak sa predstavnicima kompanija HIK-SM d.o.o., Delta plus d.o.o. i ECK do.o. Ejubom Topićem, Dijanom Nalić i Hikmetom Kurbegovićem u vezi Inicijative za rješavanje problema u vezi sa formiranjem učeničkih zadruga na području Unsko-sanskog kantona.

Sastanku je prisustvovao i ministar privrede USK Nijaz Kadirić.

Zbog nedostatka propisa i detaljnih odredbi o formiranju učeničkih zadruga na području USK se učeničke zadruge ne organiziraju, a to predstavlja veliki problem za ovaj kanton. Učeničke zadruge su odlična prilika za sticanje radnih navika i izgrađivanja odgovornog odnosa prema radu, a što je značajno ne samo za učenike, već i za poslodavce, jer će po završetku obrazovanja učenici imati pored teorijskog i praktična znanja. Učenici kroz zadrugu imaju priliku da nauče i da steknu materijalnu dobit. Grupacija poslodavaca USK pri UPFBiH je uputila Vladi USK inicijativu za hitno donošenje novog Pravilnika čija bi primjena omogućila organiziranje učeničkih zadruga na području Unsko-sanskog kantona.

Također, Ibrahimpašić je upozano prisutne u aktuelnim i budućim aktivnostima Grupacije kao i o formiranju koordinacionih tijela za parafiskalne namete na nivou Grada Bihaća i Unsko-sanskog kantona koja će raditi na analizi, racionalizaciji, smanjenju ili ukidanju pojedinih nameta. Ministar privrede USK Nijaz Kadirić iskazao je svoju otvorenu podršku aktivnostima Grupacije i poboljšanju poslovnog ambijenta.

ESV ZDK o Zakonu o turizmu



U sjedištu Vlade Zeničko-dobojskog kantona 28. novembra održana je tematska sjednica Ekonomsko-socijalnog vijeća Zeničko-dobojskog kantona na kojoj se raspravljalo o radnoj verziji Zakona o turizmu na kojoj su socijalni partneri dali svoje primjedbe na Zakon.

Poslodavci su podržali odredbe iz radnog teksta kojim se propisuje da se ne uvodi članarina za poslodavce koji se bave ovom djelatnošću. Delegacija poslodavaca u ESV-u ZDK je mišljena da Vlada ZDK ne treba biti osnivač turističke zajednice, nego da osnivači trebaju biti firme koje se bave tom djelatnošću, te da Vlada ne treba finansirati Turističku zajednicu, kao ni birati direktora i radna tijela, odnosno, Nadzorni i Upravni odbor.

Nakon duže diskusije, dogovoreno je da će resorno ministarstvo prečisti tekst Zakona konsultujući i druga ministarstva, kao i Privrednu komoru ZDK kako bi se definisala njene uloga. Grupacija poslodavaca ZDK pri Udruženju poslodavaca FBiH će konsultovati što veći broj članova koji se bave ovom djelatnošću u cilju izrade što kvalitetnijeg teksta Zakona.



Nova članica UPFBiH - Partner mikrokreditna fondacija



Partner mikrokreditna fondacija se već 20 godina uspješno bavi pružanjem usluga mikrokreditiranja ekonomski aktivnoj populaciji kojoj je otežan ili koja nema pristup komercijalnim izvorima finansiranja, za pokretanje i unapređenje biznisa i poboljšanje kvaliteta života. Fondacija podržava mikro poduzetnike, promoviše učešće žena u biznisu i nudi lakši pristup finansijskim uslugama u ruralnim područjima. Na teritoriji cijele BiH, uslugom na pragu, pruža kvalitetne proizvode i tehničku pomoć, pomaže rast životnog standarda, povećava zaposlenost podstičući prelazak na tržišnu ekonomiju.

Kreditne aktivnosti Fondacija je započela 1997. godine, uz podršku Mercy Corps. Kroz svoje poslovne aktivnosti, u proteklih 20 godina Fondacija je dokazala da je mikrofinansiranje jedan od pokretača ekonomije u Bosni i Hercegovini. Uz pomoć mikrokredita, ljudima omogućuju da ostvare svoje poslovne ideje i na taj način obezbijede zaposlenje sebi i svojoj porodici, kao i da poboljšaju kvalitet života. Partner MKF ima blizu 300 zaposlenih koji rade u 60 ureda na cijeloj teritoriji Bosne i Hercegovine.

Nova članica UPFBiH - HIK-SM d.o.o.



Firma HIK GmbH u Oberzentu iz Njemačke je već 35 godina dokazana dinamična, inovativna i učinkovita firma u razvoju, izgradnji prototipova i serijskoj proizvodnji mehatronskih sistema, razvodnih ormara, električnih modula, Plug-In kableske konfekcije, vodova i žičanih setova, te sveobuhvatnih usluga na području logistike i obrade podataka. Kao porodična firma sa 220 radnika spajaju kulturu rukovođenja s dobrom ekonomskom osnovom.

U martu 2018. počinje sa radom kompanija HIK-SM d.o.o u Sanskom Mostu. U firmi je već zaposleno 20 radnika koji su većim dijelom u Njemačkoj prošli tromjesečnu edukaciju. Do kraja 2020. godine zaposlenje u ovoj kompaniji će dobiti još 50 radnika.

Sve informacije o kompaniji možete pronaći na [web stranici](#).



UDRUŽENJE POSLODAVACA

UDRUŽENJE POSLODAVACA FBiH

MULA MUSTAFE BAŠESKIJE 12/3, 71 000 SARAJEVO

TEL: 00 387 264 830

FAX: 00 387 33 552 461

MAIL: info@upfbih.ba

WEB: www.upfbih.ba